



PERATURAN

PERMOHONAN INSTALLATION PERISIAN DI UNIVERSITI TEKNIKAL MALAYSIA MELAKA

**PERATURAN PERMOHONAN *INSTALLATION* PERISIAN DI UNIVERSITI
TEKNIKAL MALAYSIA MELAKA**

**SUSUNAN
PERATURAN**

Peraturan

1. Tujuan
2. Tafsiran dan Interpretasi
3. Skop
4. Proses *Installation* Perisian
5. Tanggungjawab Pengguna
6. Penafian
7. Lain-Lain

PERATURAN PERMOHONAN *INSTALLATION* PERISIAN DI UNIVERSITI TEKNIKAL MALAYSIA MELAKA

1.0 TUJUAN

Peraturan ini menerangkan tatacara dan tanggungjawab pengguna bagi urusan permohonan *installation* perisian yang telah disediakan oleh UTeM untuk digunakan pada komputer peribadi atau komputer riba.

2.0 TAFSIRAN

2.1 Dalam Peraturan ini, melainkan jika konteksnya menghendaki makna yang lain-

"pengguna" ertinya:-

- a) staf - mana-mana orang yang diambil kerja oleh UTeM sama ada secara tetap, kontrak, sementara, sambilan, dan termasuk seseorang yang berkhidmat di UTeM secara pinjaman; dan
- b) pelajar - seseorang yang mendaftar sesuatu program akademik (sama ada penuh atau separuh masa atau siswazah) di UTeM dan statusnya masih aktif.

"Peraturan" ertinya Peraturan Permohonan *Installation* Perisian di Universiti Teknikal Malaysia Melaka;

"PPPK" ertinya Pusat perkhidmatan Pengetahuan dan Komunikasi UTeM;

"PTj" ertinya Pusat Tanggungjawab yang terdiri daripada Pejabat/Fakulti/Institut/Pusat atau apa-apa jua nama ia disebut; dan

"UTeM" bermaksud Universiti Teknikal Malaysia Melaka.

2.2 Interpretasi

- (a) Mana-mana perkataan dalam bentuk tunggal adalah termasuk juga yang majmuk dan sebaliknya.
- (b) Pada bila-bila masa Peraturan ini merujuk setiap hari dalam kalendar, apa-apa angka atau nombor tersebut hendaklah dirujuk kepada hari-hari dalam kalendar Gregorian.
- (c) Tajuk-tajuk dan tajuk-tajuk kecil dalam Peraturan ini dimasukkan bertujuan untuk memudahkan rujukan sahaja dan tidak boleh dibuat pertimbangan dalam mentafsirkan Peraturan ini.
- (d) Lampiran-lampiran yang dirujuk di dalam Peraturan ini hendaklah diambil, dianggap, dibaca dan ditafsirkan sebagai bahagian yang penting kepada Peraturan ini.

3.0 SKOP

Kemudahan perisian berlesen yang disediakan oleh UTeM kepada pengguna adalah bertujuan untuk menyokong, mempercepat, memudahkan proses pengajaran, pembelajaran, penyelidikan, pengurusan dan pentadbiran UTeM.

4.0 PROSES *INSTALLATION* PERISIAN

- 4.1 Pengguna yang memerlukan perkhidmatan *installation* perisian yang berlesen dan sah yang dibekalkan oleh UTeM perlu membuat permohonan melalui Sistem Maklumat Fasiliti (SMF).

4.2 Proses *Installation* Perisian

Proses *installation* akan dilakukan oleh PPPK.

5.0 TANGGUNGJAWAB PENGGUNA

5.1 Pengguna tidak boleh memindah milik lesen perisian yang telah dibekalkan kepada mana-mana pihak tanpa kebenaran bertulis daripada pihak UTeM.

5.2 Penggunaan perisian milik UTeM hanya boleh digunakan sepanjang perkhidmatan atau pengajian pengguna di UTeM.

6.0 PENAFIAN

Pihak UTeM tidak akan bertanggungjawab terhadap sebarang *installation* perisian selain milik UTeM yang tidak berlesen dan tidak sah.

7.0 LAIN-LAIN

7.1 Sebarang pelanggaran terhadap mana-mana atau keseluruhan peruntukan di dalam Peraturan ini boleh dikenakan mana-mana satu atau mana-mana gabungan dua atau lebih tindakan di bawah:-

- a) Akta Badan-Badan Berkanun (Tatatertib & Surcaj) 2000 termasuklah apa-apa pindaan dan apa-apa perundangan subsidiari di bawahnya;
- b) Kaedah-Kaedah Universiti Teknikal Malaysia Melaka (Tatatertib Pelajar-Pelajar) 2009 termasuklah apa-apa pindaan dan apa-apa perundangan subsidiari di bawahnya; atau

- c) mana-mana undang-undang yang berkuat kuasa dari semasa ke semasa.
- 7.2 Peraturan ini adalah tertakluk kepada dasar, pekeliling, surat pekeliling, kaedah, peraturan, dan undang-undang lain yang berkaitan yang sedang berkuat kuasa.
- 7.3 Perisian yang disediakan di dalam Peraturan ini adalah tertakluk kepada ketersediaan perisian dari semasa ke semasa.
- 7.4 Peraturan ini adalah tertakluk kepada pindaan oleh pihak UTeM dari semasa ke semasa.

PROSES PERMOHONAN INSTALASI PERISIAN

